



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Maximiliani Sandaei E Societate Iesv Doctoris  
Theologi Architectvra Christiana**

**Sandaeus, Maximilianus**

**Coloniæ Agrippinæ, 1653**

Art. I. Ex doctrinâ Patrum.

[urn:nbn:de:hbz:466:1-46065](http://urn.nbn.de/hbz:466:1-46065)

## SERMO V.

LIBELLA ET AMVSSIS

*Architecti Christiani*

PRUDENTIA ET DISCRETIO.

## ARTICULUS I.

*Ex doctrina Patrum.*

**A**D FINE admodum est Normæ Instrumentum illud architectonicum, quod LIBELLA dicitur, & cum hac, munere conveniens, AMUSSIS. Vtrumque superius est definitum: utroque plana coæquantur, & diriguntur ad rectitudinem ligna, & lapides. Libellæ rationem in Architecturâ nostra habet Prudentia, Amussis vero, Discretio. Utraque efficit, ut nihil ad rectitudinem in Virtutibus desideretur: & , nisi adhibeantur mature, fabrica virtutum multa virtus contrahit. Audiatur Papa Gregorius, cuius est hoc enunciatum. *Nisi Virtutes Sapientiae epulis repletae, ea, quæ appetunt, prudenter agant, virtutes esse nequam possunt.* De Discretione, quo nomine utuntur scriptores Ecclesiastici, & potissimum Ascetæ, idem affirman Magistri Spirituales. Et quidem Ioannes Cassianus

Quint Pars.

Oo

nus

(a) Lib. 2. Moral. cap 33.

nus (a) tantum ei tribuendum censem, ut afferat eam in virtutis exercitatione esse Lucernam illam Evangelicam apud Matthæum & Lucam, (b) quæ totum corpus lucidum facit: immò, *Solem* quem Apostolus monet: ne occidat super iracundiam, ad Ephesios iv. tum vero, ex Salomone in Proverbiis, *Gubernationem* vitæ, *Consilium*, *Sapientiam*: præterea, ex Apostolo Paulo *cibum solidum*: & quæ comparari aliquatenus potest cum Verbo Dei: quandoquidem de illo scriptum est, *Discretor cogitationum*, & *intentionum cordis*. Ex quibus, & ex S. Antonii sententia concludit: *Manifestissimè declaratur, sine Discretione nullam vel perfici, vel stare posse virtutem*. Nimirum, quando paries ad Libellæ rectitudinem non est conformatus, neque ad Amussim erectus, proclinat, & facile in ruinam tendit. Hæc adeò vera sunt, ut Virtutibus quoque Theologicis hæc instrumenta accommodari debeant: nam nec actus fidei, spei, & caritatis nomen tuerunt suum, nisi ad Prudentiæ Libellam, & Amussim Discretionis exacti prodeant.

(a) *Collat. 21. cap. 4.* (b) *Matt. vi. Luc. xi.* (c) *Prov. xi. 14.* (d) *Hab. v. 23.* (e) *Hebr. iv. 12.*

## ARTICULUS II.

## EXEMPLUM CHRISTI

*Idem affruiri & stabilitur.*

**I**N Christo annorum duodecim puero commendabatur Prudentia, cùm sederet in medio Doctorum, & interrogaret, responderet, sigeret. *Luc. 2. Stupebant omnes inquit Evangelista, qui eum audiebant, super prudentia, & respon-*